

唐詩品彙

七言律  
自六至七

服部文庫

イ 17

2065

4



117  
2065  
4

七言律詩卷之六

唐詩品彙八十七

新寧高棟編輯

關中張恂重訂

接武下

李益

送賈校書東歸寄振上人

北風吹鴈數聲悲  
況指前林是別時  
秋草不堪頻送遠  
白雲何處更相期  
山隨匹马行看暮  
路入寒城獨去遲  
為向東州故人道  
江淹已擬惠休詩

鹽州過胡兒飲馬泉

唐詩品

卷八十七

117 836 (3)

綠楊着水草如煙舊是胡兒飲馬來幾處吹加明月  
夜何人倚劔白雲天從來凍合關山路今日分流漢  
使前莫遣行人照容鬢恐驚憔悴人新年

鶴雀樓

鶴雀樓西百尺檣汀洲雲樹共茫茫漢家簫鼓空流  
水魏國山河半夕陽事去千年猶恨速愁來一日即  
爲長風烟竝起思鄉望遠目非春亦自傷

朱灣

過宣上人湖上蘭若

十年湖上結幽期偏向東林遇遠師未道姓名童子

識不誦言語上人知閑花落地滋苔徑細雨和烟着  
柳枝問我別來何所得解將無事當無爲

同達奚宰遊寶子明仙壇

松檜陰深一逕微中峰石室到人稀仙官不住青山  
在故老相傳白日飛華表問栽何歲木片雲留着去  
時衣今朝茂宰尋真處暫駐雙鳧且莫歸

平陵寓居再逢寒食

幾迴江上泣途窮每遇良辰嘆轉逢火燧知從新節  
變灰心還與故人同莫聽黃鳥愁啼處自有花開  
客中貧病固應無撓事但將懷抱併春風

久一作向

權德輿

和司門殷員外早秋省中直夜寄荆南術  
端公

共嗟王粲滯荆州才子為郎憶舊遊涼夜偏宜粉署  
直清言遠待玉人醉風生北渚烟波濶露下南宮星  
漢秋早晚得為同舍旅知君兩地結離憂

送張閣老中丞持節弔回鶻

旌旆翩翩擁漢官君行當得遠人歡分職南臺知禮  
重校書東觀見才難金章玉節鳴騶遠白草黃雲出  
塞寒欲散別愁唯有酒斲煩賓從駐征鞍

田家即事

閑臥藜牀對落暉倏然便覺世情非漠漠稻花資旅  
食青青荷葉製儒衣山僧相勸期中飯漁父同遊或  
夜歸待學尚平婚嫁畢渚烟溪月共忘機

待漏假寐夢歸江東舊居因寄惠閣梨茅

處士

時德輿秉政  
未果會故也

十年江浦臥郊園閑夜分明結夢魂舍下烟蘿通古  
寺湖中雲雨到前軒南宗長老知心法東郭先生識  
化源覺後忽聞清漏曉又隨簪珮入君門

戴叔倫

贈司空拾遺

侍臣何事辭雲陛江上彈冠見雪花望闕未承丹鳳  
詔開門空對楚人家陳琳草奏才遠在王粲登樓興  
不賒高館更容塵外客仍令歸去待瓊華

越溪村居

年來為客寄禪扉多話貧居在翠微黃雀數聲催柳  
變清溪一路踏花歸空林野寺經過少落日深山伴  
侶稀負米到家春未盡風蘿閑掃釣魚磯

贈韓道士

鼓吹作張泌詩

日莫秋風吹野花上清歸客意無涯桃源寂寂烟霞

閉天路悠悠星漢斜還似世人生百髮定知仙骨變  
黃茅東城南陌頻相見應是壺中別有家

張濯

題舜廟

古都遺廟出河汾萬代千秋仰聖君蒲坂城邊長逝  
水蒼梧野外不歸雲寥寥薦設魂應在寂寂虞篇德  
已聞向晚風吹庭下栢猶疑琴曲詠南薰

楊巨源

送定法師歸蜀法師即紅樓院供奉  
上人兄弟

鳳城初日照紅樓，禁寺公卿識惠休。  
詩引棣華沾雨露，經分貝葉向雙流。  
孤猿學定前山夕，遠鳥傷離後地秋。  
空性碧雲無處所，約公會許剡溪遊。

贈史開封

天低芳草誓師壇，鄧艾心知戰地寬。  
鼓角迴臨霜野曙，旌旗高對雪峰寒。  
五營向水紅塵起，一劍當風白日看。  
會從伏波征絕域，西蕃部怯金鞍。

奉寄通州元九侍御

大明宮殿鬱蒼蒼，紫禁龍鍾直署香。  
九陌華軒爭道路，一枝寒玉任烟霜。  
須聽瑞雪傳心語，莫被啼猿續

明一作朝

淚行共說聖明容，直氣期君新歲奉恩光。

早朝

鐘傳清禁纔應徹，漏報仙闈儼已開。  
雙闕薄烟籠菡萏，九成初日照蓬萊。  
朝時但向丹墀拜，仗下方從碧殿迴。  
聖道逍遙更何事，願將巴曲贊康哉。

元日含元殿下立仗上門下相公

臨軒啓扇似雲收，率土朝天極水流。  
瑞色含春當正殿，香烟捧日在高樓。  
三朝氣早迎恩澤，萬歲聲長繞冕旒。  
請問漢家功第一，麒麟閣上識鄼侯。

酬于駙馬

芳時碧落心應斷，今日清詞事不同。瑤草秋殘仙圃在，彩雲天遠鳳樓空。晴花暖送金羈影，涼葉寒生玉殿風。長得聞詩歡自足，會看春露濕蘭叢。郝新齋曰：春露濕蘭叢為公主先逝而有子也。六義中為興也。

贈張將軍

關西諸將揖容光，獨立營門劍有霜。知愛曾連歸海上，肯令王翦在頻陽。天晴紅幟當山滿，日暮清笳入塞長。年少功高人最美，漢家壇樹月蒼蒼。郝新齋曰：言漢將之壇已為陳跡，不若將軍年少功高，抑彼揚此之意也。

和侯大夫秋原山觀征人回

兩河戰罷萬方清，原上軍回識舊營。立馬望雲秋塞靜，射鵰臨水晚天晴。戍閑部伍分歧路，地遠家鄉寄旆旌。聖代止戈資廟畧，諸侯不復更長征。

送澹公歸嵩山龍潭寺葬本師

野烟秋水滄茫遠，禪境真機去住閑。雙樹為家思舊壑，千花成塔禮寒山洞。宮會向龍邊，宿雲徑應從鳥外還。莫戀本師金骨地，空門無處復無關。

武元衡

荆帥

金貂再入三公府，錦帳連封萬戶侯。人簾捲青山立峽

國一  
作望

曉雲凝碧樹渚宮秋劉琨坐笑風生苑謝朓  
滿樓白雪調高歌不得美人南國翠蛾愁

春題龍門香山寺

衆香天上梵仙宮鐘磬寥寥半碧空清景乍開松嶺  
月亂流長響石樓風山河杳映春雲外城闕參差曉  
樹中欲盡出尋那可得三千世界本無窮

劉禹錫

金陵懷古

王濬樓船下益州金陵王氣黯然收千尋鐵鎖沉江  
底一片降旗出石頭人世幾回傷往事山形依舊枕

寒流今逢四海為家日故壘蕭蕭蘆荻秋

元微之韋楚客與錫

會于白樂天之居各賦金陵懷古劉無遲意滿引一揮而成白公曰四子探驪龍吾子先得其珠其餘鱗魚何為三公於是罷吟

荆門道懷古

南國山川舊帝畿宋臺梁館尚依稀馬嘶古樹行人  
歇麥秀空城野雉飛風吹落葉填宮井火入荒陵化  
寶衣徒使詞臣庾開府咸陽終日苦思歸

松滋渡望峽中

渡頭輕雨灑寒梅雲際溶溶雪水來夢渚苴長冰  
望夷陵土黑有秦灰巴人淚應猿聲落蜀客

唐詩品彙

卷之八十七

七



道迴十二碧峯何處所永安宮外有荒臺

同樂天送河南馮尹學士之任

可憐五馬風流地暫綴金貂待從才閣上掩書劉向

去門前修刺孔融來方虛谷云馮自錦閣出為河南尹用事甚精峻陵路

靜寒無雨洛水橋長晝起雷却美府中棠棣好先於

城外百花開

柳宗元

登柳州城樓寄漳汀封連四州刺史

城上高樓接大荒海天愁思正茫茫驚風亂颭芙蓉

水密雨斜侵薜荔墻嶺樹重遮千里目江流曲似九

迴腸共來百越文身地猶自音書滯一鄉

別舍弟宗一

零落殘魂倍黯黯雙垂別淚越江邊一身去國六千

里萬死投荒十二年桂嶺瘴來雲似墨洞庭春盡水

如天欲知此後相思夢長在荆門郢樹烟

韓愈

奉和庫部盧四兄曹長元日朝迴盧汀也

天仗宵嚴建羽旄春雲送色曉鷄號金爐香動螭頭

暗玉珮聲來雉尾高戎服上趨承北極儒冠列侍映

東曹太平時節身難遇郎署何須入一毛

和水部張員外宣政殿賜百官櫻桃詩

漢家舊種光明殿炎帝還書本草經豈似滿朝承雨露共看傳賜出青冥香隨翠籠擎初到色映銀盤寫未停食罷自知無所報空然愧汗仰皇扃

愧一作慚

晉公破賊回重拜台司以詩示幕中賓客

愈奉和

南伐旋師太華東天書夜到冊元功將軍舊壓三司貴相國新兼五等崇鸛鷺欲歸仙仗裏能罷還入禁營中長慚典午非材職得就閑官即至公

陳羽

長安臥病秋夜言懷

唐音作盧綸詩

九重門鎖禁城秋月過南宮漸映樓紫陌夜深槐露滴碧空雲淨火星流清風刻漏傳三殿甲第歌鐘樂五侯楚客病來鄉思苦寂寥燈下不勝愁

送友人下第東歸

五陵春色泛花枝心醉花前遠別離落第耻為關右客成名空羨里中兒都門雨歇愁分處山店燈殘夢到時家住洞庭多釣伴因來相賀語相思

張籍

寒食內宴

城闕沉沉向曉寒，恩當冷節賜餘歡。  
瑤烟入處開三殿，香雨微時引百官。  
寶樹樓前分繡幕，綵花廊下映朱闌。  
宮筵戲樂年年別，已得三回對御看。

寄蘇州白二十二使君

三朝出入紫微臣，頭白金章未在身。  
登第早年同座主，題書今日異州人。  
閨門柳色烟中遠，茂苑鶯聲雨後新。  
此處吟詩向山寺，知君忘却曲江春。

王建

早春午門西望

百官朝下午門西，塵起春風滿御堤。  
黃帕蓋鞍呈過

午一作五

馬紅羅纏項鬪，回鷄館松枝重。  
墻頭出渠柳條長，水面齊惟有教坊南草色。  
古城陰處冷淒淒。

獻王樞密

先朝行坐鎮相隨，今上春宮見長時。  
脫下御衣親賜着，進來龍馬每教騎。  
長承密旨歸家少，獨奏邊機出殿遲。  
不是大家頻向說，九重爭得外人知。

者王守澄有宗人之分，因過飲以相戲，守澄深恨曰：吾弟所作宮詞，禁掖深邃，何以知將劾奏建，因賦此篇以解之。其事遂寢。

白居易

尋郭道士不遇

郡中乞假來相訪，洞裏朝元去不逢。  
禪院只留雙鶴，入門唯見一青松。  
藥爐有火丹應伏，雲碓無人水自春。  
欲問參同契中事，未知何日得相從。

與劉夢得偶同到敦詩宅感而題壁

山東纔副蒼生望，川上俄驚逝水波。  
履道淒涼新第宅，宣城流落舊笙歌。  
園荒惟有薪堪採，門冷兼無雀可羅。  
今日相隨偶同到，傷心不是故經過。

元稹

和樂天早春見寄

雨香雲淡覺微和，誰送春聲入棹歌。  
萱近北堂穿土

早柳偏東面，受風多。湖添水色，消殘雪。江送潮頭湧。  
漫波同受新年不同賞，無由縮地欲如何。

殷堯藩

和趙相公登鸛雀樓

危樓高架次寥天，上相閑登立綵旃。  
樹色到京三百里，河流歸漢幾千年。  
晴峰聳日當周道，秋穀垂花滿舜田。  
雲路何人見高志，最看西面赤闌前。

賈島

早秋寄題天竺靈隱寺

峰前峰後寺，新秋絕頂高。  
懸見沃州人，在定中間蟠。

蟀鶴曾棲處掛獼猴山鐘夜度空江水汀月寒生古  
石樓心憶懸帆身未遂謝公此地昔曾遊

送羅少府歸牛渚

作尉長安始三日忽思牛渚夢天台楚山遠色獨歸  
去灞水空流相送回霜覆鶴身松子落月分螢影石  
房開白雲多處應頻到寒澗泠泠漱古苔

題號州吳郎中三堂

無窮草樹昔誰栽新起臨湖白石臺半岸沙泥孤鶴  
立三堂風雨四門開荷翻團露驚秋近柳轉斜陽過  
水來昨夜北樓堪朗詠號城初鎖月徘徊

姚合

和高諫議蒙兼賓客時入翰苑

兼秩恩歸第一流時尋仙路向瀛洲鐘聲迢遞銀河  
曉林色蔥蘢玉露秋紫殿講筵隣御座青宮賓榻入  
龍樓從來共結歸仙侶今日多應獨自休

和劉禹錫主客冬初拜表懷上都故人

九陌喧喧騎吏催百官拜表禁城開林疎曉日明紅  
葉塵靜寒霜覆綠苔玉珮聲微班始定金函光動按  
初來此時共想朝天客謝食方從閣裏迴

送源中丞使新羅

丹墀召對使殊方，官重霜臺紫綬光。玉節在船清海  
怪，金函開詔拜夷王。雲晴漸覺山川異，風便那知道  
路長。誰得似君將雨露，海東萬里灑扶桑。

送劉禹錫郎中赴蘇州

三十年來天下名，銜恩東守闔閭城。初經函谷眠山  
驛，漸入梁園問水程。霽日滿江寒浪靜，春風遶郭白  
蘋生。虎丘野寺吳中少，誰伴吟詩月裏行。

送貞實上人歸杭州天竺寺

石橋寺裏最清涼，聞說茅庵寄上方。林外猿聲連院  
磬，月中湖色到禪牀。他生念我身何在此世，唯師性

亦忘九陌相逢千里別，青山重疊樹蒼蒼。

王初

送葉秀才

快騎琤龍刻玉羈，河梁返照上征衣。層冰春近蟠龍  
起，九澤雲閑獨鶴飛行。想北山清夢斷，重游西洛故  
人稀。漢廷狗監深知已，有日前驅負弩歸。

李紳

憶夜直金鑾奉詔

月當銀漢玉繩低，深聽簫韶碧落齊。門壓紫垣高綺  
樹，閣連青瑣近丹梯。墨宣外屋催飛詔，草定新恩

作寬一  
混

換題明日獨歸花路遠可堪人世隔雲霓

過鍾陵長慶三年余除江西觀察使奉詔不之任而作

龍沙江尾抱鍾陵水郭津橋晚景澄江對楚山千里  
月郭連漁浦萬家燈省拋雙旆辭榮寵遽落丹青起  
愛憎惆悵舊遊同草露却思恩顧一沾膺

江南暮春寄家

洛陽城見梅迎雪魚口橋逢雪送梅劍水寺前芳草  
合鏡湖亭上野花開江鴻斷續翻雲去海燕差池拂  
水回想得心知寒食近潛聽喜鵲望歸來

入泗口

洪河一派清淮接堤草蘆花萬里秋煙樹蒼茫分楚  
澤海雲明滅見揚州望深江漢連天遠思起鄉關滿  
眼愁惆悵路歧真此處夕陽西沒水東流

真一  
作惟

周賀

贈厲玄侍御

山松徑與瀑泉通巾舄行吟想越中塞鴈去經華表  
末鄉僧來自海濤東關分河漢秋鐘絕露滴獼猴夜  
嶽空抱疾因尋周柱史杜陵寒葉落無窮

泗上逢韓司徒歸北

唐詩品彙

卷之八

一  
高  
山  
房  
序

多病十年無舊識滄洲亂後只逢君已知罷秩辭龍  
水相勸移家住岳雲泗上旅帆侵疊浪雪中歸路踏  
荒墳更爲此別愁應老書札何由到北軍

七言律詩卷之六

唐詩品彙八十七

七言律詩卷之七

唐詩品彙八十八

新寧高 棟編輯

關中張 恂重訂

正變

李商隱

隋宮

紫泉宮殿鎖烟霞欲取蕪城作帝家玉璽不緣歸日  
角錦帆應是到天涯于今腐草無螢火終古垂楊有  
暮鴉地下若逢陳后主豈宜重問後庭花

宜一  
作應

籌筆驛



魚鳥猶疑畏簡書，風雲長爲護儲胥。從今上將揮神筆，終見降王走傳車。管樂有才終不忝，關張無命復何如。他年錦里經祠廟，梁甫吟成恨有餘。詩眼云首言其號令嚴明，千百年後魚鳥猶畏之，次言忠義貫神明，風雲猶護其藩籬，壁壘至於三聯，屬清切，又有意他

九成宮

十二層城閬苑西，平時避暑拂虹霓。雲隨夏后雙龍尾，風逐周王八駿蹄。吳岳曉光連翠巘，甘泉晚景上丹梯。荔枝蘆橘沾恩澤，鸞鵠天書濕紫泥。

馬嵬

海外徒聞更九州，他生未卜此生休。空聞虎旅鳴宵柝，無復鷄人報曉籌。此日六軍同駐馬，當時七夕笑牽牛。如何四紀爲天子，不及盧家有莫愁。詩眼云首高雅，故不用愁怨墮淚等語，而聞者爲之深悲，次聯如親扈明皇，寫出當時意味，三聯語益奇，世人但稱巧麗，不識其高情遠韻，可嘆也。

茂陵

漢家天馬出蒲梢，苜蓿榴花遍近郊。內苑只知嘶鳳觜，屬車無復插鷄翘。玉桃偷得憐方朔，金屋粧成貯阿嬌。誰料蘇卿老歸國，茂陵松柏雨蕭蕭。

碧城

碧城十二曲闌干，犀辟塵埃，玉辟寒闌。苑有書多，附  
鶴女，墻無樹，不棲鸞。星沉海底，當窓見，雨遶河源。隔  
坐看，若是曉星明，又定一生長對水晶盤。

富平少侯

七國三邊未到憂，十三身襲富平侯。不收金彈拋林  
外，却惜銀床在井頭。綵樹轉燈珠錯落，繡檀回枕玉  
雕鏤。當關莫報侵晨客，新得佳人字莫愁。

少年

外戚平羌第一功，生年二十有重封。直登宣室螭頭  
上，橫過甘泉豹尾中。別館覺來雲雨夢，後門歸去蕙

蘭叢灞陵夜獵遊，田竇不識寒郊自轉蓬。

促漏

此篇擬深宮怨女而作

促漏遙鐘動靜聞，報章重疊杳難分。舞鸞鏡匣收殘  
黛，睡鴨香爐換夕熏。歸去豈知還向月，夢來何處更  
爲雲。南塘漸煖蒲堪結，兩兩鴛鴦護水紋。  
郝新齋云：恨不如姮娥入月，神女爲雲，又不如禽鳥之有匹也，又感之辭也。

聞歌

歛笑凝眸意欲歌，高雲不動碧嵯峨。銅臺罷望歸何  
處，玉輦忘來事幾多。青塚路邊南鴈盡，細腰宮裏北  
人過。此聲腸斷非今日，香炷燈光奈爾何。

來一作還

錦瑟

錦瑟無端五十絃一絃一柱思華年莊生曉夢迷蝴蝶望帝春心託杜鵑滄海月明珠有淚藍田日煖玉生煙此情可待成追憶祇是當時已惘然

此詩山谷讀之殊不曉其意以問東坡峇日古今樂志云錦瑟其絃五十柱亦如之其聲也適怨清和按李詩中四句曲盡其意唐史稱其瑰邁奇古信焉

寫意

燕鴈迢迢隔上林高秋望斷正長吟人間路有潼江險天外山惟玉壘深殘日花間留返照片雲城上結層陰三年已制思鄉淚更入新年愁不禁

哭劉蕡

上帝深居閉九閭巫咸不下問嚙冤廣陵別後春濤隔滄浦書來秋雨翻只有安仁能作誄何曾宋玉解招魂平生風義兼師友不敢同君哭寢門

許渾

秋日早朝

宵衣應待絕更籌環珮鏘鏘月下樓井轉輓轡千樹曉鎖開閭闔萬山秋龍旂盡引趨金殿雉扇纔分拜玉旒虛戴鐵冠無事日滄江歸去老漁舟

凌鼓臺

宋相凌鼓梁未回二千歌舞宿層臺  
相潭雲盡暮烟  
一作出巴蜀雪消春水來行殿有基荒薜合寢園無  
主野棠開百年便作萬年計巖畔古碑空綠苔

咸陽城東樓

獨上高城萬里愁蒹葭楊柳似汀洲  
溪雲初起日沉閣山雨欲來風滿樓  
鳥下綠蕪秦苑夕蟬鳴黃葉漢宮秋  
行人莫問當年事故國東來渭水流

登故洛陽城

禾黍離離半野蒿昔人城此豈知勞  
水穀東去市朝變山勢北來宮殿高  
鴉噪暮雲歸古堞鴈迷寒雨下

空壕可憐緱嶺登仙子猶自吹笙醉碧桃

金陵懷古

玉樹歌殘王氣終景陽兵合戍樓空  
楸梧遠近千官塚禾黍高低六代宮  
石燕拂雲晴亦雨江豚吹浪夜還風  
英雄一去豪華盡唯有青山似洛中

姑蘇懷古

宮館餘基倚棹過黍苗無限獨悲歌  
荒臺麋鹿爭新草空苑鳧鷖占淺莎  
吳岫雨來虛檻冷楚江風急遠帆多  
可憐國破忠臣死日日東流生白波

驪山

聞說元皇辟碧桃日華浮動鬱金袍風隨玉輦笙歌  
迴雲捲珠簾劍佩高鳳駕北歸山寂寂龍興西幸水  
滔滔蛾眉沒後巡遊少瓦落空墻見野蒿

題衛將軍廟

序云將軍名逖陽羨人高祖始建義旗逖以勇藝進備行

列洎禽竇建德逖特挾鎗劍前後突翼太宗奇之天下定錄其功拜將軍宿衛以母老乞歸侍許之及卒邑人懷其賢廟于荆溪以平生弓甲懸廟下歲時祠祭而國史闕書其人因題詩于廟

武牢關上護龍旗挾槊彎弓馬上飛漢業未興玉霸  
在秦軍絕散魯連歸墳穿大澤埋金劍廟枕長溪掛  
鉄衣欲奠忠魂何處問葦花楓葉雨霏霏

祇命南海盧陵逢表兄軍倅奉使淮海別  
後却寄是詩

盧橘花香拂釣磯美人猶舞越羅衣三洲水淺魚來  
少五嶺山高鴈到稀客路晚依紅樹宿鄉關朝望白  
雲歸交親不念征南吏昨夜風帆去似飛

穎川從事西湖亭燕餞

西湖清燕不知回一曲離歌酒一杯城帶夕陽聞鼓  
角寺臨秋水見樓臺蘭堂客散蟬猶噪桂楫人稀鳥  
自來獨想征車過葦洛此中霜菊繞潭開

六州留別李詡

泣玉三年 見君白衣顛額更離群  
場堤惜別春滿晚花樹留歡夜漏分  
孤館宿時風帶雨遠憶歸處水連雲  
悲歌曲盡莫重奏心遶關河不忍聞

寓居開元精舍酬薛秀才見貽

知已蕭條信陸沉茂陵扶疾臥西林  
芰荷風起客堂靜松桂月高僧院深  
清露下時傷旅髮白雲歸處寄鄉心  
勞君詩思猶相憶題在空齋夜夜吟

乘月棹舟送大曆寺靈聰上人不及

萬峰秋盡百泉清舊鎖禪扉在赤城  
楓浦客來煙未散竹窓僧去月猶明  
杯浮野渡魚龍遠錫響空山虎

豹驚一字不留何足訝白雲無路水無情

晚自朝臺至韋隱君郊園

秋來鳧鴈下方塘繫馬朝臺步夕陽  
村逕遶山松葉暗柴門臨水稻花香  
雲連海氣琴書潤風帶潮聲枕簟涼  
西去磻溪猶萬里可能垂白待文王

村舍

尚平多累自歸難一日身閑一日安  
山逕晚雲收獵網水門涼月掛魚竿  
花間酒氣春風遠竹裏棋聲夜雨寒  
三頃小田秋更熟北窓誰拂舊塵冠

臥疾

寒窓燈盡八斜輝珮馬朝天獨掩扉青露已濕素  
柳白雲空長越山薇病中送客難為別夢裏還家不  
當歸唯有寄書書未得臥聞燕鴈向南飛

晨起白雲樓寄龍興江準上人兼呈竇秀

才

茲樓今是望鄉臺鄉信全稀曉鴈哀山翠萬重當檻  
出水光千里抱城來東巖月在僧初定南浦花殘客  
未回欲弔靈均能賦否秋風還有木蘭開

劉滄

咸陽懷古

陽一作原  
經過此地無窮事一望淒然感廢興渭水故都秦二  
世咸陽秋草漢諸陵天空絕塞聞邊鴈葉盡孤村見  
夜燈風景蒼蒼多少恨寒山半出白雲層

鄴都懷古

昔時霸業何蕭索古木唯多鳥雀聲芳草自生宮殿  
處牧童誰識帝王城殘春楊柳長川迥落日兼葭遠  
水平一望青山便惆悵西陵無主月空明

長洲懷古

野燒空原盡荻灰吳王此地有樓臺千年事在人何  
在半夜月湖自來白鳥影從江樹沒清猿聲入地

雲哀停車日晚薦蘋藻風靜寒塘花正開

浙江晚渡懷古

蟬噪秋風滿古堤荻花寒渡思淒淒潮聲歸海鳥初  
下草色連江人自迷碧落晴分平楚外青山晚出穆  
陵西此來一見垂綸者却憶舊居明月溪

經麻姑山

麻姑此地煉神丹寂寞烟霞古竈殘一自仙娥歸碧  
落幾年春雨洗紅蘭帆飛震澤秋江遠雨過陵陽晚  
樹寒山頂白雲千萬片時聞鸞鶴下仙壇

江行書事

遠渚兼葭覆綠苔姑蘇南望思徘徊空江獨樹楚山  
背暮雨孤舟吳苑來人度深秋風葉落鳥飛殘照水  
烟開寒潮欲上泛蘋藻寄薦二閭情自哀

題龍門僧房

靜室遙臨伊水東寂寥誰與此身同禹門山色度寒  
磬蕭寺竹聲來晚風僧宿石龕殘雪在鴈歸沙渚夕  
場空偶將心地問高士坐指浮生一夢中

宿天壇觀

沐髮清齋宿洞宮桂花松韻滿巖風紫霞曉色秋山  
霽碧落寒光夜月九華表鶴聲天外迥蓬萊仙界海



門通冥心一悟虛無理寂寞玄珠象馬中

八關留別主人

此來多愧食魚心東閣將辭更一吟  
疋馬客程秋草合萬蟬關樹古槐深  
風生古渡河聲急鴈過寒原岳勢侵  
對酒相看自無語幾多離思入瑤琴

題馬太尉華山莊

別開池館背山陰近得幽奇物外心  
竹色拂雲連岳寺泉聲帶雨出溪林  
一庭楊柳春光莫二逕烟蘿晚翠深  
自是功成閑劍履西齋長卧對瑤琴

題王校書山齋

猿鳥無聲晝掩扉寒原隔水到人稀  
雲晴古木月初上雪滿空庭鶴未歸  
藥圃地連山色近樵家路入樹煙微  
棲遲慣得滄浪思雲閣還應夢釣磯

秋日山齋卽事

衡門無事閉蒼苔籬下蕭疎野菊開  
半夜秋風江色動滿山寒葉雨聲來  
鴈飛關塞霜初落書寄鄉山客未迴  
獨坐高牕此時節一彈瑤瑟自成哀

寓居寄友人

雨餘虛館竹陰清獨坐書牕軫旅情  
芳草衡門無馬跡古柳深巷有蟬聲  
夕陽雲盡高峯出遠岸煙銷水

水平入夜，原賞佳景，月高風定，苦吟生。

秋日山寺懷友人

蕭寺樓臺對夕陰，淡煙疎磬散空林。風生寒渚白蘋動，霜落秋山黃葉深。雲盡獨看晴塞鴈，月明遙聽遠村砧。相思不見又經歲，坐向松窓彈玉琴。

送李休秀才歸嶺中

南泛孤舟景自饒，蒹葭汀浦晚蕭蕭。秋風漢水旅愁起，寒木楚山歸思遙。獨夜猿聲和落葉，空江日色帶回潮。故園新過重陽節，黃菊滿籬應未凋。

送元叙上人歸上黨

時罷兵

太行關路戰塵收，白日思鄉別沃州。薄暮焚香臨野燒，清晨漱齒涉寒流。溪邊殘壘空雲木，山上孤城對驛樓。此去寂寥尋舊跡，蒼苔滿徑竹齋秋。

和友人憶洞庭舊居

客舍經時益苦吟，洞庭猶憶在前林。青山殘月有歸夢，碧落片雲生遠心。谿路煙開江月出，草堂門掩海濤深。因君話舊起愁思，隔水數聲何處砧。

留別崔幹秀才昆仲

汶陽離思水無窮，去住情深夢寐中。歲晚蟲鳴寒草露，日斜樹杪風川分。遠岳秋光靜，雲盡遙天。

色空對酒不能傷此別亦書思鴈往來通

寄遠

西園楊柳暗驚秋寶瑟朱絃結遠愁霜落鴈聲來紫  
塞月明人夢在青樓蕙心迢遞湘雲暮蘭思縈迴楚  
水流錦字織成添別恨關河萬里路悠悠

七言律詩卷之七

唐詩品彙八十八

